

Béeso Ách'ááh Naa'nil Bee Ats'íis Baa Áháyá Saad Bá Siláhígíí dóo Azee'ál'ík'ehgo Saad

- Díí saad éí aláahgo bee yádaati' dóo dahane' leh, ákondi doo saad t'áa át'é kwe'é daasdzohda. Saad kwe'é baa hane'ígíí éí bee na'ntin biniyé dóo naaltsoos bik'ehgo naa áháyá, plan, biyi'jí saad éí t'áa áalts'íisigo lahgo ádaat'ée doo. Saad áál yilnínígíí áldó'shíí lahgóo lahgo ádaat'eedoo. Naaltsoos bik'ehgo naa áháyánígíí, plan, biyi'di saad dabikáá'ígíí éí fiyisíí bóhólníih. (Naaltsoos bik'ehgo naa áháyánígíí, plan, bik'ehgo bíjókí'go hach'í' ál'íih éí naaltsoos Summary of Benefits and Coverage wolyéhígíí yaa halne'.)
- Dinilzingo doot'izhgo** bik'i' ashchínígíí éí saad fiyisíí áál jinínígíí yaa halne'.
- Díí naaltsoos díí' ahoolta'hóne' éí **náhaadóo áaltséedi azee'íil'íní haa oolbji'hígíí t'áa hó bik'é ní'jilééhígíí**, dóo **habéeso lahdóo nijilé coinsurance wolyéhígíí** dóo **t'áa hó habéeso chojool'ínígíí bíighah yileehdi t'áa át'é há ní'iilyé yileehígíí** baa hane' doo.

Allowed Amount

Azee'íil'íní áda'al'í' báhíhíí beehaz'ánígíí Azee'íil'ínída háká eelwodgo báhíhíí fiyisíí beehaz'ánígíí áál ha'ní. T'áa díí áldó' eligible expense deílní dóo payment allowance deílní éí doodago negotiated rate deílní. Hwe'azee'íil'íní honéél'í'go báhíhíí beehaz'á bilááhgóo bik'é nishishnish níigo éí haashíí néelt'e' bilááh hak'íj'í' yiyíífta'ígíí t'áa hó nijilééh. (Balance billing wolyé hóyahgo bikáá')

Appeal


Nihot'áago Doo Hol Aaníógó

Nídínóol'íjigo.

Hats'áají **nohoot'áago éí nídínóo'íj** jííkeedgo.

Balance Billing

Ázee'íil'íní bich'í' níjiyáago **báhíhíí bee haz'ánígíí biláahdi báhah azlíí' níigo béeso bilááhgóo silíí'ígíí hóyókeedgo**. Neeznáadiin béeso báhah azlíí' níigo ákondi tsosts'idiin béeso éí bee haz'áago áadóo tádiin béeso nanilé hañiigo. Azee'íil'íní preferred provider bidi'nínígíí binaanish bik'é azlá beehaz'ánígíí bilááhgóo í'iishłaa dóo ní'doolyéél didoonił doo bee báhaz'áada.



Co-insurance

T'áa hó habéeso lahdóo azee'íil'íní bich'í' níjilééhígíí.

Díí éí insurance bik'ésti'go há é'élyaaago báhíhíí bee haz'ánígíí, Allowed Amount, bik'é nizhdoolééhígíí binahjí' wólta'.

Hodi'néél'í'go neeznáadiin béeso báhíhíí bee haz'á bíighahgo bik'é hodi'néél'í'go dóo náhah dóo bik'íj'í' áaltsé haah haajíł t'áa hó bik'é adzisláhígíí, deductible wolyéhígíí altso bíighah ájiilaago kodóo inda co-insurance há yídóolta. Naakidoot'izh bíighahgo, 20% , t'áa hó habéeso níjiléedoo. Ákoh naadiin béeso nizhdooléél, éí óolyé co-insurance.

Jane naaki doot'izh bíighahgo níyilé	Baa áháyaníde'é' tseebíí doot'izh bíighahgo nidayíle

Naaltsoos tsosts'id ahooltahti hazhó'ó yaa halne.

Complications of Pregnancy

Asdzání yiltsáago éí doodago alchiigo bits'áadóo anáhoot'i' haleehígíí.

Díí éí amá dóo awée' bich'í' anáhóót'i' hodooleel bits'áa azee'íil'íní haa áhályáa doo. Jooltsáago abínigo áhósínígíí dóo awée' hatsáádé'é' haaltééh éí lahgo át'é, doo kót'éhígíí át'éego baa nitsáhákeesda.

Co-payment


Insurance bik'esti'go háká o'oolwodgo béeso lahdóo azee'íí'íní bich'í' nijiléhígíí.

Béeso t'áá láhági ánéelt'e' azee' íí'íní háká análwo'go bich'í' ninániléhígíí, ashdla'ts'áadah béesoda ajinił. Ánéelt'e' nijiléhígíí éi ał'ąą ádanéelt'e'go át'é.

Deductible

Insurance hak'esti' hahalzhish-dóo azee'íí'íní haa oolbįįh áłtsé altso bik'é ni'jiléhígíí.

Insurance hak'esti' hahalzhishdóo azee'íí'íní bich'í' ni'jiléhígíí éi ánéelt'e' bíighah ájįįhíhdóo ında lahdóo há ni'iilyé yileeh.



Jane t'áá át'é niyilé

Baa áháyanidéé' doo niyiléhéda

Naaltsos tsostsid ahooltahti hazhó'ó yaa halne'

Durable Medical Equipment (DME)

Ats'íís baa áháýáđéé' ats'íís yíká analwo' dóo bee jįiná haná'a'niłígíí.

Azee'íí'íní dóo ats'íís baa áháýá yeda'aniihii ániigo nıłch'i bee náhizhdidziihii, bik'i dah'asdáhá ádił naalbaąsí, gish, éi doodago hıkání hadił bitahígíí bee naalkaahá chojool'í biniyé haná'a'nił.

Emergency Medical Condition

Yéego ach'í' hodiiznáa'go. Yéego tízhdílyaago, hats'íís haashíí' yit'é silíí'go t'áadoo bahat'aadí yéego ájít'éego ts'ííłgo áká e'elyeed bíká hodoot'ih.

Emergency Medical Transportation

Diné yéego át'e silíí'ígíí bee naajaahá. Baa hasti'ígi át'éego hoł nihoozhizhgo bee naho'digéhé.

Emergency Room Care

Azee' ál'įįdi tsįįłgo dahodi'nél'ínigóne' háká a'doolwoł.

Emergency Services

Yéego ach'í' hodiiznáa'go hodi'néel'íí' dóo háká a'doolwoł. Ájít'éhígíí néel'íí'go binahjí' háká a'doolwoł éi bee doo náás ázhdooniłda biniyé.

Excluded Services

Ats'íís baa áháýá dóo azee'íí'íní áká eelwodgo **béeso ách'ąąh naa'nilgo haa áháyanidéé' doo yik'é ni'iiléhígíí.**

Grievance

Saad hojishłį'go béeso ách'ąąh naa'nilgo haa áháyanidi bił íshjáą ájiléhé. Baa saad hólónígíí naaltsos bee nizhdoołtsos.

Habilitation Services

Aká ana'alwo'go binahjí' t'áá ákwíįjí **ádaa áháýá dóo t'áadoole'é ádá ájil'įįgo jįiná bínáho'o'ah.** Álchíní dahdíníisanígíida doo naagháágóo, doo yáłti'góoda bił na'anishgo íhoof'aah. Bina'anishígíí éi ats'íís náak'ąąs dóo naha'ná ánálnééh, naanish bího'o'ah bee náázhdiiidááh, hayáti' baąh dahaz'ąągo yájłti' ánáho'dilnééh, dóo díkwíígóóshíí baąh dahaz'ánii bíká ana'alwo' biniyé níjídáahgo éi doodago biniyé yah ajigháahgo.

Health Insurance

Béeso ách'ááh naa'nil bee ats'íís baa áháyá há bik'é ni'iilyé. Naaltsoos hadil'íih éi bik'é ni'jiiléego binahjí' háká aná'álwo'ígíí bik'é ni'iilyé.

Home Health Care

Haghangi haa áháyá. Haghandi ats'íís baa áháyá yinidaalnishígíí haa nídaakahgo haa ádahalyá dóo hak'i dadéez'íí'.

Hospice Services

Bila'ashdla'ii nihodínóol'áaljji' hoolzhishgo baa áháyáago yee hasht'edít'é.

Hospitalization

Azee' ál'íggóne' yah ajíyáago haa áháyáago hwiiskáago óolyé.

Hospital Outpatient Care

Azee' ál'íggi jiníyáago t'áadoo hwiilkaahá háká o'oolwodgo.

In-network Co-insurance

Azee'íí'íní háká iilwo'go bich'í' nijilééhígíí. Azee'íí'íní, ha-insurance bee haa áháyá yil naalnishígíí, háká eelwodgo haashíí néelt'e' (t'áá l'á'í béeso bee wólta', naaki doot'ízh bíghahgoda) bich'í' nijilééhígíí. Azee'íí'íní insurance há ni'iilé yil naalnishígíí lahdóo bich'í' nijilééh éi a'ohgo bááhíí. Insurance doo yil naalnishígíí haa oolbiihgo éi l'á bááhíí.

In-network Co-payment

Azee'íí'íní, insurance bee haa áháyá yil naalnishgo, háká eelwodígíí bich'í' nijilééhígíí. Díí éi t'áá l'áhági ánéelt'e' (ashdla'ts'áada béesoda) t'áá náhodi'nél'íih bik'eh ninájdíléeh leh. Insurance yil naalnishígíí éi t'áá a'ohgo bich'í' ninájdíléeh insurance doo yil naalnishígíí éi l'á bich'í' nizhdooléé.

Medically Necessary

Bee haz'áanii bik'ehgo ats'íís baa áháyá bee áká aná'álwo' éi doodago bee háká i'doolwoíi choo'íigo bee ni'doolkah, na'idídóokií, ats'íís bich'ááh na'anish doo, éi doodago hohodit'i'go, tízhdílyaago, haah dahoo'a'go, éi doodago kódaat'éhígíí áhósínígíí t'áá altso bini'doonish.

Network

Bee ni'doonishii, chodeidoo'ííi, hoohan bá si'áago, dóo azee'íí'íní danilínígíí t'áá át'é béeso ách'ááh naa'nil yee **haa áhályánígíí yee naaltsoos bee aha'deet'ánígíí dahólógo**, ats'íís yaa áhályáago bee bá da'íníish. Azee'íí'íní dóo ats'íís baa áháyá yinidaalnishii bíl na'anish éi doodago bá nidaalnishígíí.

Non-Preferred Provider

Azee'íí'íní béeso ách'ááh naa'nil bee ats'íís baa áháyá há hadít'éhígíí doo yil alha'deet'ánígíí. Azee'íí'íní doo bíl alha'deet'ánígíí. Azee'íí'íní kót'éhígíí háká iilwo'go l'á bich'í' nijilééh. Naaltsoos ná hadilyaaígíí, policy, díníí'íí' áko éi azee'íí'íní yil alha'deet'ánígíí t'áá altso daats'í chojool'í éi doodago azee'íí'íní bíl alha'deet'ánígíí al'áá át'éego binaanish yááh da'íí'íigo atk'éé' haz'á éi bik'ehgo l'á l'á bich'í' nidahalyé

Out-of-network Co-insurance


Azee'íil'íni doo bił alha'deet'ánigíí t'áá hó bich'í' nijiléhígíí. Azee'íil'íni doo insurance há hadít'éhígíí yił alha'deet'ánigíí béeso yoosbánigíí t'áá lá'í béeso binahjí' wólta'go, percent ha'nínigíí, díí' dootł'izhda bíighahgo (40%), bich'í' t'áá hó nijiléh.

Out-of-Network Co-payment

Azee'íil'íni doo bił alha'deet'ánigíí t'áá hó bich'í' nijiléhígíí. Azee'íil'íni doo bił alha'deet'ánigíí bee haz'áanii bik'ehgo áká iil'wo'go báąh azlí'ígíí haashíí néelt'e', ashdla' ts'áadahda, t'áá hó nijiléhígíí óolyé. Azee'íil'íni doo bił alha'deet'ánigíí choo'íigo lá báąhíí.

Out-of-Pocket Limit

Béeso t'áá hó nijiléhígíí beehaz'ánigo bíighah ájiił'íih áádóo índa béeso ách'áąh naa'nil



bee ats'íis baa áháyanidéé' t'áá át'é há

Jane doo Baa áháyanidéé' niyiléhéda t'áá át'é niyilé

yik'é ni'iile yileeh.

Naaltsos tsostsid ahooltahti hazhó'ó vaa halne'

Insurance bee há lá aleehdóo wólta' leh.

Insurance bik'é ninájidlééhígíí, azee'íil'íni binaanish bilááhgóo t'áá hó bik'é bich'í' nijizla'ígíí, dóo ha-insurance doo yik'é asláadago t'áá hó nijizlá'ígíí éi doo atah wólta'da. Ha-insurance dóo ats'íis baa áháyaádéé' lá' ádaat'é béeso t'áá hó nijiléhígíí doo t'áá át'é dayólta'da: co-payment, co-insurance, insurance hak'esti' hahalzhishdóo aláají' haa oobíih áłtsé áłtso

t'áá hó ni'jilééh, deductible, dóo azee'íil'íni doo bił alha'deet'á bich'í' na'zhnílá ádaat'éhígíí lá' doo yił da'ólta'da.

Physician Services

Azee'íil'íni yee háká iilwo'ígíí. Azee'íil'íni (MD-Medical Doctor, éi doodago DO – Doctor of Osteopathic Medicine bee bi'dójí) binaaltsos yoosbáádóo bee hólóogo ats'íis baa áháya yee naalnish dóo háká aná'álwo' há áłkéé' yisnil.

Plan

Bik'ehgo haa áháya há hadil'íihígíí.

Béeso ách'áąh naa'nil bee át'íis baa áháya há hadil'íihígíí.

Ats'íis baa áháya bee haa áháya dóo áká aná'álwo' bá nijlnishígíída, naalnishí yee lá'í danilí, union, éi doodago azee' bee haa áháya yee lá'í danilíigo t'áá sahdii dayikah lahdóo bee atah jilíigo há ni'iilyé.

Preauthorization

Azee' áąh ádoolníł, azee' nahidoonih, éi doodago ats'íis yíká anáłwo'í, bee na'adáha da, gishda, níłch'ida ádaat'éi shóidoot'eel insuredéé' bee **áká i'doolwoł t'áá bítséedi há lá aleeh dóo bee nihát'ááh** éi óolyé. Bee yá'át'ééh jidooleelgo éi doodago bee hasht'ezhdít'é doogo t'éi ákól'íih.

Áádóo, prior authorization, prior approval, éi doodago precertification áldó' deíłniigo dayózhí. Insurance bee ats'íis baa áháya ajítahígíí háká i'doolwoł áłtséedi lá ni'iileeh yee has'áą leh, ákondi yéego ach'í' hodiináahgo éi t'áadoo lá aleehé nidi háká i'doolwoł. Insurance kót'éego lá daanihígíí éi háká o'oolwodígíí bik'é ni'doolyéel doo yee ádeehadoodzí'ígíí át'éeda.

Preferred Provider

Azee'íil'íní iyisíi choo'ínígíí. Azee'íil'íní ats'íís baa áháyá ha-insurance yił ałha'deet'áago áká iilwo'ígíí. Béeso yik'é háká eelwodígíí ła' béedoo'nilgo há áyíil'íih łah. Naaltsoos ná hadilyaaígíí, policy, díníil'íił áko éi azee'íil'íní yił ałha'deet'ánígíí t'áa ałtso daats'í chojool'í éi doodago azee'íil'íní ał'ąa át'éego binaanish yááh da'íil'íigo áká adaalwo', “tiered” network wolyé, éi binahjí' béeso ła' bínéi'nilgo bich'í' ni'iilyéhígíí daats'í atah nidaalnish. Insurance bee ats'íís baa áháyánígíí łaħda azee'íil'íní yił ałha'deet'áago t'áa áká anídaalwo', participating provider deilní, éi béeso doo ła' yéidii'níłda éi doodago áájigo ła' bich'í' nizhdooléél.

Premium

Insurance bee ats'íís baa áháyá há hadít'éego bik'é ninájdíléhígíí. T'áa ni éi doodago bá nijilnishígíída yik'é niná'adléeh łah nínádízi'goda, táa' nínádízi'goda, éi doodago nínáhagoda.

Prescription Drug Coverage

Azee' há bik'é azlá hach'í' bee ła' azlíj'ígíí. Insurance bee ats'íís baa áháyá há hadít'éhígíí azee' há ályaago há yik'é ni'iiléhígíí.

Prescription Drugs

Azee' há yéékeedígíí. Azee' ał'ąa ádaat'éii beehaz'ánii bik'ehgo azee'íil'íní há yóki'ígíí.

Primary Care Physician

Azee'íil'íní (MD-Medical Doctor, éi doodago DO – Doctor of Osteopathic Medicine bee bi'dóji) haa áhályáago ats'íís baa áháyá yee honaalnish dóo hak'i déez'íi'go áká aná'álwo' há alkéé' nayiilnil.

Primary Care Provider

Azee'íil'íní (MD-Medical Doctor, éi doodago DO – Doctor of Osteopathic Medicine bee bi'dóji), azee' neikáhá azee'íil'íník'ehgo naalnishí, azee' neikáhá azee'íil'íní yił naalnishí, azee'íil'íní yił naalnishí nitsaahahoodzogóo bibeehaz'ánii bik'ehgo háká adoolwoł dóo ats'íís baa áháyá bił nahaz'áagóo nahał'a'go yee hak'i déez'íi'.

Provider

Azee'íil'íní (MD-Medical Doctor, éi doodago DO – Doctor of Osteopathic Medicine bee bi'dóji) éi doodago ats'íís baa áháyá yinidaalnishígíí dóo ats'íís baa áháyá bił nahaz'áagóo nitsaa hadahwiisdzoh bibeehaz'ánii bik'ehgo binaaltsoos bee dahólógo áká anídaalwo'ii.

Reconstructive Surgery

Na'algizh bee ats'íís hasht'e nál'í. Ats'íís tídílyaago, éi doodago haąah dahaz'áago ho'dizhchíigo, éi doodago aąah dahaz'á hats'íís yiyíłchxó'go na'algizh bee hasht'éé'oolníłhígíí. Na'algizh bee hona'anish dóo bikéédéé' haa áháyáa łaħ.

Rehabilitation Services

Ats'íís bidziilgo naha'ná análnééh.

Hadziil ánáho'dilnééh. Aḥ dahaz'á bits'áádóó ats'íís doo hazhó'ó naha'náada silíí'dáá' áká aná'álwo' bee nináájii'ná dóó hadziil ánáho'dilnééhgo. Hats'íís ná'áas dóó dilzééh, naanish bee hadziil ánáho'dilnééh, hayáti' hasht'e nálnééh, hanitsékees dóó háni' nálzhoḥ kódaat'éhígíí bee háká i'doolwoł azee' ál'íígóne'da éi doodago biniyé níjídáahgoda.

Skilled Nursing Care

Azee' neikáhá haa áhályánígíí. Azee' neikáhá t'áa haghandida éi doodago aa'ádahayáadi da áká aná'álwo yéedahósingo nidaalnish. Azee' neikáhák'ehgo naalnishí éi azee'neikáhá yíká anídaajahgo haa ádahalyá.

Specialist

Azee'íí'íní ats'íís al'áa át'éego bíł nahaz'áadi biniyé azee'ál'í bee naneestáá' dóó yaa da'íí'ta'ígíí. Baa áháhayánígíí, patients, bich'í' anídahazt'i'ígíí bik'ehgo nahalkaah dóó haa áhályá dóó azee' aḥ íí'í ihodidoot'ih bich'ááh haa áhályá. Doo azee'íí'íní nilíígóó ałdó ats'íístahdi nahaz'ánígíí bina'anish bee nanees'táa'go nidaalnish.

UCR (Usual, Customary and Reasonable)

Azee'íí'íní bich'í' nihelyé bíhoneesdinígíí.

Bíla'ashdla'ii łahgo bíł haz'áago azee'íí'íní áká aná'álwo' yik'é nidayiiléhígíí. Áká aná'álwo' bik'é nihelyé bee hasht'e' ní'íldee'ígíí éi łahda bik'ehgo azee'íí'íní binaanish bááhílnígíí beehaz'áanii, allowed amount, ál'íih.

Urgent Care

T'áa hooshch'í' ach'í' anáhóót'í'




haleehgo áká i'iilyeedígíí. T'áadoo bahat'aadí doo ákójít'éeda biniinaa tsíłgo hodí'nóol'íł biká hodit'ihgo óolyé. Azee' ál'íidi yéego ach'í' hodiiznáago áká i'iilyeedígíí éi doo óolyéeda.

Hait'égosh Béeso Ach'áah Naa'nil bee ats'íis baa áháyááddéé' bíl ahéézhdi'niigo baa azlíí'ígú bik'é ni'iilyé? – Binahji' Ak'idi'dootjilgo Baa Hane'

Bik'ehgo Jane baa áháyá, plan, náahdóó áts'é niidoolééhígíí: \$1,500; Łahdóó ninéídlééh: Naaki doot'izh Biihahgo, 20%; nijiiilé bíighah ájii'íih: \$5,000

- ◆ Yanilt'ees T'áá Lá'í Yoolkááldóó
- Níłch 'itsoh tádiin dóó bí'aan t'áá lá'í yookáát

- ◆ Naaltsoos Hadilyaago ilí siljii'dóó náasji'
- Naaltsoos Hadilyaaigii Bee I'ii'á



Jane áłtsé haah haajil nijiléhígíí t'áá lá'á dimíil dóó bí'aan ashdladi neezná diin, \$1500.00, yilehda.

Haa áháyánidéé' doo ła' niyiléeda doo.

Azee'íil'íni haa yoosbá: \$125
Jane niidooléél: \$125
Baa áháyánidéé' niilyé: \$ 0

Jane áłtsé baah háajil \$1500.00 bíighah siljigo niiníla, k'ad éi łahdóó ninájídlééh, co-insurance wolyéhígíí nijiiilé. Jane azeé' íil'íni \$1500.00 yich'í' niiníla. Náánádzáago baa áháyánidéé' ni'iiléedoo.

Azee'íil'íni baa yoosbá: \$ 75
Jane naakidoot'izh
bíighahgo niidooléél: \$ 15
Baa áháyánidéé' tseebíidoot'izh
bíighahgo niidooléél: \$ 60

Jane ashla' dimíil yázhí, \$5,000.00 t'áá bí bibéeso, out of pocket limit, azeé'íil'íni bich'í' nayiizla'go bíighah áyiilaa. Kodóó éi baa áháyánidéé' baa ní'ibíihígíí baa áháyánidéé' t'áá át'é niyiilé náahaiji'.

Azee'íil'íni baa yoosbá: \$ 200
Jane niidooléél: \$ 0
Baa áháyánidéé' niilyé: \$ 200